



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Vita Venerabilis Arnesti, (vulgò Ernesti) Primi  
Archiepiscopi Pragensis**

**Balbín, Bohuslav**

**Pragæ, 1664**

Karolus IV. Divinâ favente clementiâ Romanorum Rex semper Augustus; &  
Bohemiae Rex.

**urn:nbn:de:hbz:466:1-42763**

**Arnestum Avenionem præmissum.** Inveni

1755.

semper (quod in magna felicitatis parte repono) inter veteris bibliotheca  
quisquilias, Fidei publica literas, (ut nunc vocamus, salvum con-  
ductum) quas Carolus Cæsar Arnesto suo per Germaniam proficisci-  
tus hoc ipso tempore dedit, ex quibus Arnesti in Galliam legatio confirma-  
tur; eas in antiquitatis honorem, ne verbo immixtato, recitare placet.

## Karolus IV. Divinâ favente clementiâ Romanorum Rex semper Augustus; & Bohemiæ Rex.

**Q**uia Venerabilem Arnestum, sanctæ Pra-  
gensis Ecclesiæ Archiepiscopum, Princi-  
pem, Consiliarium, & devotum nostrum  
dilectum, in arduis legationibus & negotijs,  
Nostrum, & Sacri Rom: Imperij honorem con-  
cernentibus, deliberato & provido præcedente  
consilio, dirigimus in præsenti. Idcirco devotio-  
nem Tuam affectuosè requirimus & hortamur,  
quatenus supradicto Nostro Principi, & ejus  
Comitivæ, tam in securitate conductūs, quam  
in alijs, quæ desideraverit ad Nostrum & Sacri  
Imperij honorem præcipuum, benevolam veli-  
tis & debeatiss ostendere voluntatem. Datum  
Pragæ, Regnum nostrorum Anno septimo,  
die 13. Mensis Maij.

Hadde-



Hactenus M. S. Satis scio, septimum Caroli annum non esse  
annum 1354. quo Roma coronatus est, incidere, sed nimis longe an-  
te Arnestus ad coronationem Romanam Carolo impetrandam Ave-  
nionem abiit, jamq; negotium feliciter confectum erat, nisi Clemen-  
tis obitus abruptisset omnia, cuius in locum subrogatum Innocentium  
IV. iterata legatione à Carolo salutari oportuit; missus est Orator  
Avenionem pro Carolo Theodoricus Episcopus Misnensis, qui quod  
à Clemente per Arnestum usque postularat Carolus, ab Innocen-  
tio impetravit, qua de re sunt Innocentij litteræ.

**In agro Parmensi.** In villa Terentij in honorem B.  
Virginis MARIAE Collegiatam Ecclesiam insignem Carolus ere-  
xit, magnificeq; dotavit, cuius Ecclesiae Patronus est præcentor Ec-  
clesiae Pragensis, quemadmodum ejusdem Caroli littera testantur,  
quas nos, ait Pius II. Pontifex: vidimus, legimusque. Hagecius <sup>Pius II. seu</sup>  
ait: S. Augustini Canonicis erectum Canobium. His Fundationi <sup>Aeneas Silvius</sup>  
nobilissime casuam dedit Visio in ea Villa Carolo oblata, admirabilis <sup>C. 33. histor.</sup>  
serie, quam ejus ipsius verbis, quia alibi non legitur, & divina Injustitia <sup>Orig. Colle-</sup>  
singulare continet exemplum, hic referam. Pervenimus in villam <sup>giate Eccle-</sup>  
nomine Tarunso Parmensis Dioecesis, in die Dominica, in qua e- <sup>sia in Italia.</sup>  
rat dies Assumptionis S. MARIAE Virginis. Illâ verò nocte cùm nos <sup>in villa Te-</sup>  
sopor invaderet, apparuit nobis quedam visio; quoniam Angelus <sup>Carolus IV.</sup>  
Domini astitit, juxta nos in parte sinistra, ubi jacebamus, & per- <sup>Iesp. in Vita</sup>  
cussit nos in latere dicens: Surge, & veni nobiscum! Nos autem <sup>jeua. ex edit.</sup>  
respondimus in spiritu: Domine, nec scio quò, nec quomodo vo- <sup>Visio Caroli</sup>  
biscum eam. Et accipiens nos per capillos anterioris partis capi- <sup>I V.</sup>  
tis, exportavit nos secum in aërem, usque super magnam aciem, <sup>gelo,</sup>  
armatorum Equitum, qui stabant ante unum castrum, parati ad  
prælium. Et tenebat nos in aëre super aciem, & dixit nobis: re-  
spice & vide. Et ecce alter Angelus descendens de Cœlo, habens  
igneum gladium in manu, percussit unum in media acie, & abscli-  
dit sibi membrum genitale eodem gladio, & ille, tanquam lethali-  
ter vulneratus, agonizabat, equo insidens: Tunc tenens nos per  
capillos Angelus dixit: Agnoscis illum, qui percussus est ab An-  
gelo,

Pœnalu- gelo, & vulneratus ad mortem? Tunc diximus: Domine nescio,  
 ziosi Princi- nec locum cognosco. Dixit: scire debes, quod hic est Delphinus  
 pis. Viennensis, qui propter peccatum luxuriæ sic est à DEO percussus:  
 nunc ergo cavete, & Patri vestro potestis dicere, ut sibi caveat de  
 similibus peccatis, vel pejora accident vobis. Nos autem com-  
 passi illi Delphino Viennensi, nomine Guidoni, cuius avia fuerat  
 soror aviæ nostræ, & ipse erat Filius sororis Regis Ungariæ Caro-  
 li I. interrogavimus Angelum, utrum posset confiteri ante mor-  
 tem? & contristatus eram valde. Respondit autem Angelus di-  
 cens: Habebit confessionem, & vivet aliquot diebus. Tunc vidi-  
 mus in parte sinistra aciei multos viros stantes, amictos pallijs al-  
 bis, quasi essent viri magnæ reverentia & sanctitatis, loqueban-  
 turq; ad invicem, respicientes supra aciem, & supra ea quæ gesta  
 erant, & bene ipsos notavimus. Nec tamen gratiam interrogan-  
 di habuimus, nec per se Angelus retulit, qui, vel quales essent viri  
 illi tantæ reverentia. Et subito restituti fuimus ad locum nostrum  
 aurorâ jam inclarescente. Ibi veniens Thomas de Nova villa-  
 miles Diœcesis Leodiensis, Camerarius Patris Nostri, excitavit nos  
 dicens: Domine, quare non surgitis? jam Pater vester paratus  
 ascendit equos. Tunc surreximus, & eramus contracti, & quasi  
 fessi, sicut post magnum laborem itineris. Et diximus sibi: quò  
 vadamus, cùm hâc nocte passi sumus tanta, quod nescimus, quid  
 facere debeamus. Tunc dixit nobis: Domine quid? & diximus  
 ei: Delphinus mortuus est, & ipse Pater noster vult congregare  
 exercitum, & procedere in auxilium Delphino, qui guerrat cum  
 Comite Sabaudiæ. Nostrum auxilium non proficit sibi, quia mor-  
 tuus est. Ipse verò nos derisit illâ die, & Pater cùm rescisset, in-  
 crepans dixit: Noli credere somnijs! Post aliquot ergo dies venit  
 nuntius ferens litteras, quod Delphinus, congregato exercitu suo,  
 venerat ante quoddam castrum Comitis Sabaudiæ, & quod de  
 una ballista magnâ sagittâ in medio omnium militum suorum fuil-  
 fet sagittatus, & post aliquot dies confessione habitâ mortuus.  
 Tunc Pater noster auditis litteris dixit: Miratur valde super his:  
 quia filius noster mortem ipsius nobis antea prædixerat, &c. hec  
 Carolus

A medico A  
medici F:

Visionis hu-  
jus Veritas.



Carolus in vita sua. Retulit hanc quoq; visionem Aeneas Silvius<sup>c. 33. hisp. Boh.  
additq; eā visione Carolum à gravibus quibusdam adolescentie vitijs  
deterritum, vitam in melius commutāse: at ego id frustra adjectum  
existim; negat enim (vitam suam describens Carolus) se adoles-  
centie vitijs inquinatum, Deoq; gratius agit, quod se ab ineunte etate  
in suo timore innoxium servarit.</sup>

Caroli IV.  
contra Aene-  
am Sylvium  
defensio.

### Die Paschatis Coronatio celebrata. Id omnes

affirmant qui de ea egerunt, ut Raynaldus in Annalibus Ecclesia-  
sticis, Argentinas, Hagek, Crato, Dubravius, M. S. Chro-  
nicon Glacense &c. Fuit tum Pascha 5. Aprilis, ut afferit Welesla-  
viaus in Calendario. Unus Cuthenus dissentit, qui die S. Ambrosij Cuthenii or-  
Rome coronatum Carolum A. 1355. scripsit, quod omnino defendi  
non potest. Decepit fortasse Cuthenum Fundatio Monastery Am-  
brosiani A. 1355. in Nova Civitate Pragensi ad rivulum Boticz à Ca-  
rolo Cæsare facta Monachis Benedictinis, ex Rubrica S. Ambrosij  
Psalmos canentibus, quam ipse ad diem coronationis factam putavit.  
Aberat tum Româ Pontifex Innocentius VI. suosq; Legatos misit,  
qui Carolum coronarent: Coronarunt, ut ait Crato, Petrus Ber-  
trandus Gallus, & Egidius de Albernotijs. Errat M. S. Chroni-  
con Glacense, quod à Cardinali Hostiensi, sub Urbano Papa VI. co-  
ronatum Carolum narrat, cum Urbanus jam ante tres annos sit  
mortuus.

Carolus Pontificis Romani autoritate sta-  
bilitâ. Semper mihi improbabile visum est, quod Gaulterius no-  
ster in Chronologia sua memorat: Carolum Rome hâc conditione  
acepisse coronam, ut confessim Italiam excederet; id se legisse in Prom-  
tuario Iconum insigniorum hominum Anno 1578. edito. Miror tam  
illustrem Scriptorem uni illi promtuario, & Imaginibus, quæ dubia ple-  
rumq; fidei, & incertæ authoritatis sunt, credidisse. Atqui Carolum  
Romam cum exercitu aggredire, & licet ultro à Civibus dederetur, Aen. Silvius  
recusasse, & coniurationis manifestos Proceres captos, Pontifici Ave-  
nionem misisse Pius II. aliq; magna authoritatis Scriptores affirmant. Dubrav. l. 22.  
Adeoq; sapius prostratam autoritatem Pontificum exisse, nendum af- Hagek A. 1355.  
fectasse, Philip. Berga-  
mas in Chro-  
nico.

fectasse, aut suspicionem Romæ occupande præbuisse, ipsiusq; Urbani contra Vicecomites Mediolanenses defendisse, ostendit Dubra. L. 22. Vide, quæ supradicti L. 2. C. 10. in fine. Fatendum quidem est Carolum Anno Imperij sui primo jurejurando Clementi pollicitum de non ambiendo Vrbis Imperio, item Urbem Romam, nisi eà die, quâ ornamenti Imperialibus decorandus foret, non ingressurum, cù tamen religione, ut ait Raynaldus, ipsius Innocentij Pontificis litteris fuerat exsolutus.

### S. Catharinæ Templum addito Cœnobio.

Ea de re Martyrologium Veteris Ecclesiæ Pragensis (7. Cal. Decembris) hæc habet: Passio S. Catharinæ Virginis & Martyris. In cuius honore Clementissimus Princeps Carolus IV. Romanorum Imperator semper Augustus, & Bohemiæ Rex fundavit Monasterium, Monialium S. Augustini Fratrum Eremitarum in Nova Civitate Pragensi, quibus donavit de Reliquijs, & de oleo ejusdem Virginis.

### Vehebat in Bohemiam S. Viti Corpus.

Ea de re hæc habet Martyrologium Veteris Ecclesiæ Pragensis 17. Cal. Iulij: S. Viti brachium B. Wenceslaus Martyr & Dux Bohemiæ, vocatus ad Curiam Imperiale, pro reverentia & sanctitate sua ab Imperatore obtinuit &c. At Imperator Carolus IV. veniēs Lombardiam impetravit in Papia Civitate Corpus S. Viti Martyris Patroni Bohemorum, quod & transtulit abinde ad Pragensem Ecclesiam, & recondito corpore eodem in Tumba marmorea retro Altare majus, Caput ejusdem Sancti decoravit auro & argento.

1355: **ARNESTUS ECCLESIAE SUÆ COMMODIS INTENTUS, DIOCESELVISITAT, PLURÄQUE ALIA STATUIT EX EJUS UTILITATE & DIGNITATE.**

CA-

